

阿毗達磨集異門足論卷第二十

尊者舍利子說

唐三藏法師玄奘奉詔譯  
十法品第十一之二

徧處定爲攝散動馳流心故於一青相繫念  
思惟謂此是青非爲黃等思惟此相精勤勇  
猛乃至令心相續久住由斯加行能入青定

問青徧處定加行云何修觀行者由何方便  
而能證入青徧處定答初修業者創修觀時  
據十  
於此世界或取青樹或取青葉或取青華或  
取青果或取青衣或取種種青莊嚴具或取  
青雲或取青水或取種種諸餘青物彼於如  
是隨取一相以勝解力繫念思惟假想觀察  
安立信解是某青相彼由於此以勝解力繫  
念思惟假想觀察安立信解是某青故心便  
散動馳流諸相不能一趣繫念一境思惟此  
境是青非餘彼心散動馳流諸相不能一趣  
繫念一境思惟此境定是青故未能證入青

徧處定者青徧處定加行云何修觀行者由  
何方便乃能證入青徧處定答即依如前所  
入肯定令心隨順調伏趣向漸次柔和周徧  
柔和一趣定已復想此青漸次增廣東南西北  
北徧皆是青彼想此青漸次增廣東南西北

徧是青故心便散動馳流諸相不能一趣繫念一境思惟此境徧皆是青彼心散動馳流諸相不能一趣繫念一境思惟此境徧是青

故未能證入青徧處定爲攝散動馳流心故於徧青相繫念思惟此徧是青非徧黃等思

一趣繫念一境思惟此境徧是青

徧十

惟此相精勤勇猛乃至令心相續久住由斯

加行乃漸能入青徧處定精勤數習此加行

已復進修行此定方便謂於加行所引生道

數習數修數多所作既於加行所引生道數

習數修數多所作心便安住等住近住相續

一趣繫念一境思惟此境徧皆是青由心安

住等住近住相續一趣繫念一境思惟此境

徧皆是青無二無轉從此乃入青徧處定言

上下者謂上方言傍布者謂東南等言無

二者謂無間雜無邊無際者謂邊際難測是

第五者謂諸定中漸次順次相續次第數爲第五言徧處者謂此定中所有善色受想行識皆名徧處

問黃徧處定加行云何修觀行者由何方便而能證入黃徧處定答初修業者創修觀時

於此世界或取黃樹或取黃葉或取黃華或

取黃果或取黃衣或取種種黃莊嚴具或取

黃雲或取黃水或取種種諸餘黃物彼於如

是隨取一相以勝解力繫念思惟假想觀察

安立信解是某黃相彼由於此以勝解力繫

念思惟假想觀察安立信解是某黃故心便

散動馳流諸相不能一趣繫念一境思惟此

境是黃非餘彼心散動馳流諸相不能一趣

繫念一境思惟此境徧是黃故未能證入黃

徧處定爲攝散動馳流心故於此黃相繫念

思惟謂此是黃非爲青等思惟此相精勤勇猛乃至令心相續久住由斯加行能入黃定精勤數習此加行已復進修行此定方便謂於加行所引生道數修數多所作既於加行所引生道數修數多所作心便安住等住近住相續一趣繫念一境思惟此境定是黃相由心安住等住近住相續一趣繫念一境思惟此境定是黃相無二無轉能入黃定而未能入黃偏處定問若此未能入黃偏處定者黃偏處定加行云何修觀行者由何方便乃能證入黃偏處定答即依如前所入黃定令心隨順調伏趣向漸次柔和周徧柔和一趣定已復想此黃漸次增廣東南西北徧皆是黃彼想此黃漸次增廣東南西北徧是黃故心便散動馳流諸相不能一趣繫

念一境思惟此境徧皆是黃彼心散動馳流諸相不能一趣繫念一境思惟此境徧是黃故未能證入黃偏處定爲攝散動馳流心故於徧黃相繫念思惟此徧是黃非徧青等思惟此相精勤勇猛乃至令心相續久住由斯加行乃漸能入黃偏處定精勤數習此加行已復進修行此定方便謂於加行所引生道數修數多所作既於加行所引生道數修數多所作心便安住等住近住相續一趣繫念一境思惟此境徧皆是黃由心安住等住近住相續一趣繫念一境思惟此境徧皆是黃無二無轉從此乃入黃偏處定言上下者謂上方言傍布者謂東南等言無二者謂無間雜無邊無際者謂邊際難測是第六者謂諸定中漸次順次相續次第數爲

第六言偏處者謂此定中所有善色受想行識皆名偏處

問赤偏處定加行云何修觀行者由何方便而能證入赤偏處定答初修業者創修觀時於此世界或取赤樹或取赤葉或取赤華或取赤果或取赤衣或取種種赤莊嚴具或取赤雲或取赤水或取種種諸餘赤物彼於如是隨取一相以勝解力繫念思惟假想觀察安立信解是某赤相彼由於此以勝解力繫念思惟假想觀察安立信解是某赤故心便散動馳流諸相不能一趣繫念一境思惟此境是赤非餘彼心散動馳流諸相不能一趣繫念一境思惟此境定是赤故未能證入赤偏處定爲攝散動馳流心故於一赤相繫念思惟謂此是赤非爲黃等思惟此相精勤勇

猛乃至令心相續久住由斯加行能入赤定精勤數習此加行已復進修行此定方便謂於加行所引生道數習數修數多所作既於加行所引生道數習數修數多所作心便安住等住近住相續一趣繫念一境思惟此境定是赤相由心安住等住近住相續一趣繫念一境思惟此境定是赤相無二無轉能入赤定而未能入赤偏處定問若此未能入赤偏處定者赤偏處定加行云何修觀行者由何方便乃能證入赤偏處定答即依如前所入赤定令心隨順調伏趣向漸次柔和周徧柔軟一趣定已復想此赤漸次增廣東南西北偏徧皆是赤彼想此赤漸次增廣東南西北偏徧是赤故心便散動馳流諸相不能一趣繫念一境思惟此境徧皆是赤彼心散動馳流

諸相不能一趣繫念一境思惟此境徧是赤

故未能證入赤徧處定爲攝散動馳流心故

於徧赤相繫念思惟此徧是赤非徧黃等思

惟此相精勤勇猛乃至令心相續久住由斯

加行乃漸能入赤徧處定精勤數習此加行

已復進修行此定方便謂於加行所引生道

數習數修數多所作既於加行所引生道數

習數修數多所作心便安住等住近住相續

一趣繫念一境思惟此境徧皆是赤由心安

住等住近住相續一趣繫念一境思惟此境

徧皆是赤無二無轉從此乃入赤徧處定言

上下者謂上方言傍布者謂東南等言無

二者謂無間雜無邊無際者謂邊際難測是

第七者謂諸定中漸次順次相續次第數爲

第七言徧處者謂此定中所有善色受想行

假十

識皆名徧處

問白徧處定加行云何修觀行者由何方便

而能證入白徧處定答初修業者創修觀時

於此世界或取白樹或取白葉或取白華或

取白果或取白衣或取種種白莊嚴具或取

白雲或取白水或取種種諸餘白物彼於如

是隨取一相以勝解力繫念思惟假想觀察

安立信解是某白相彼由於此以勝解力繫

念思惟假想觀察安立信解是某白故心便

散動馳流諸相不能一趣繫念一境思惟此

境是白非餘彼心散動馳流諸相不能一趣

繫念一境思惟此境定是白故未能證入白

徧處定爲攝散動馳流心故於一白相繫念

思惟謂此是白非爲赤等思惟此相精勤勇

猛乃至令心相續久住由斯加行能入白定

精勤數習此加行已復進修行此定方便謂於加行所引生道數習數修數多所作既於加行所引生道數習數修數多所作心便安住等住近住相續一趣繫念一境思惟此境定是白相由心安住等住近住相續一趣繫

懷十

念一境思惟此境定是白相無二無轉能入白定而未能入白徧處定問若此未能入白徧處定者白徧處定加行云何修觀行者由何方便乃能證入白徧處定答即依如前所入白定令心隨順調伏趣向漸次柔和周徧柔和一趣定已復想此白漸次增廣東南西北徧皆是白彼想此白漸次增廣東南西北徧是白故心便散動馳流諸相不能一趣繫念一境思惟此境徧皆是白彼心散動馳流諸相不能一趣繫念一境思惟此境徧是白

故未能證入白徧處定爲攝散動馳流心故於徧白相繫念思惟此徧是白非徧赤等思惟此相精勤勇猛乃至令心相續久住由斯加行乃漸能入白徧處定精勤數習此加行已復進修行此定方便謂於加行所引生道數習數修數多所作既於加行所引生道數修數多所作心便安住等住近住相續一趣繫念一境思惟此境徧皆是白由心安住等住近住相續一趣繫念一境思惟此境徧皆是白無二無轉從此乃入白徧處定言上下者謂上方言傍布者謂東南等言無二者謂無間雜無邊無際者謂邊際難測是第八者謂諸定中漸次順次相續次第數爲第八言徧處者謂此定中所有善色受想行識皆名徧處

問空徧處定加行云何修觀行者由何方便而能證入空徧處定答初修業者創修觀時於此世界取舍上空或地上空或樹上空或巖上空或山上空或川中空或谷中空於此等空隨取一相以勝解力繫念思惟假想觀察安立信解是某空相彼由於此以勝解力

卷十

繫念思惟假想觀察安立信解是某空故心便散動馳流諸相不能一趣繫念一境思惟此境是空非餘彼心散動馳流諸相不能一趣繫念一境思惟此境定是空故未能證入空徧處定爲攝散動馳流心故於一空相繫念思惟謂此是空非餘識等思惟此相精勤勇猛乃至令心相續久住由斯加行能入空定精勤數習此加行已復進修行此定方便謂於加行所引生道數習數修數多所作既

於加行所引生道數習數修數多所作心便安住等住近住相續一趣繫念一境思惟此境定是空相由心安住等住近住相續一趣繫念一境思惟此境定是空相無二無轉能入空定而未能入空徧處定問若此未能入空徧處定者空徧處定加行云何修觀行者由何方便乃能證入空徧處定答即依如前所入空定令心隨順調伏趣向漸次柔和周徧柔和一趣定已復想此空漸次增廣東南西北徧皆是空彼想此空漸次增廣東南西北徧是空故心便散動馳流諸相不能一趣繫念一境思惟此境徧皆是空彼心散動馳流諸相不能一趣繫念一境思惟此境徧是空故未能證入空徧處定爲攝散動馳流心故於徧空相繫念思惟此徧是空非徧識等

思惟此相精勤勇猛乃至令心相續久住由斯加行乃漸能入空徧處定精勤數習此修行已復進修行此定方便謂於加行所引生道數習數修數多所作既於加行所引生道數習數修數多所作心便安住等住近住相續一趣繫念一境思惟此境徧皆是空由心安住等住近住相續一趣繫念一境思惟此境徧皆是空無二無轉從此乃入空徧處定言上下者謂上方言傍布者謂東南等言無二者謂無間雜無邊無際者謂邊際難測是第九者謂諸定中漸次順次相續次第數爲第九言徧處者謂此空無邊處定中所有善色受想行識皆名徧處

問識徧處定加行云何修觀行者由何方便而能證入識徧處定答初修業者創修觀時問識徧處定加行云何修觀行者由何方便而能證入識徧處定加行所引生道數習數修數多所作心便安住等住近住相或取清淨眼識相或取清淨耳識相或取清淨鼻識相或取清淨舌識相或取清淨身識相或取清淨意識相於此諸識隨取一相以勝解力繫念思惟假想觀察安立信解是某識相彼由於此以勝解力繫念思惟假想觀察安立信解是某識故心便散動馳流諸相不能一趣繫念一境思惟此境是識非餘彼心散動馳流諸相不能一趣繫念一境思惟此境定是識故未能證入識徧處定爲攝散動馳流心故於一識相繫念思惟謂此是識非爲空等思惟此相精勤勇猛乃至令心相續久住由斯加行能入識定精勤數習此修行已復進修行此定方便謂於加行所引生道數習數修數多所作既於加行

懷十

十

住近住相續一趣繫念一境思惟此境定是識相由心安住等住近住相續一趣繫念一境思惟此境定是識相無二無轉能入識定而未能入識徧處定問若此未能入識徧處定者識徧處定加行云何修觀行者由何方便乃能證入識徧處定答即依如前所入識定令心隨順調伏趣向漸次柔和周徧柔和一趣定已復想此識漸次增廣東南西北徧是皆是識彼想此識漸次增廣東南西北徧是識故心便散動馳流諸相不能一趣繫念一境思惟此境徧皆是識彼心散動馳流諸相不能一趣繫念一境思惟此境徧皆是識故未能證入識徧處定爲攝散動馳流心故於徧識相繫念思惟此徧是識非徧空等思惟此相精勤勇猛乃至令心相續久住由斯加行

接十

十一

一一一六九

乃漸能入識徧處定精勤數習此加行已復進修行此定方便謂於加行所引生道數習數修數多所作既於加行所引生道數習數修數多所作方便安住等住近住相續一趣繫念一境思惟此境徧皆是識由心安住等住近住相續一趣繫念一境思惟此境徧皆是識無二無轉從此乃入識徧處定言上下者謂上方言傍布者謂東南等言無二者謂無間雜無邊無際者謂邊際難測是第十者謂諸定中漸次順次相續次第數爲第十者謂諸定中漸次順次相續次第數爲第十言徧處者謂此識無邊處定中所有善受想行識皆名徧處

十無學法者云何爲十答一無學正見二無學正思惟三無學正語四無學正業五無學正命六無學正勤七無學正念八無學正定

二五五

龍藏

九無學正解脫十無學正智云何無學正見答盡智無生智所不攝無學慧是名無學正見云何無學正思惟答諸聖弟子於苦思惟苦於集思惟集於滅思惟滅於道思惟道無學作意相應所有思惟等思惟近思惟尋求等尋求近尋求推覓等推覓近推覓令心於法麤動而轉是名無學正思惟云何無學正語答諸聖弟子於苦思惟苦於集思惟集於滅思惟滅於道思惟道無學作意相應簡擇力故除趣邪命語四惡行於餘語惡行所得無學遠離勝遠離近遠離極遠離寂靜律儀無作無造棄捨防護不行不犯船筏橋梁堤塘牆塗於所制約不踰不踰性不越不越性無表語業是名無學正語云何無學正業答諸聖弟子於苦思惟苦於集思惟集於滅思

惟滅於道思惟道無學作意相應簡擇力故除趣邪命身三惡行於餘身惡行所得無學遠離勝遠離近遠離極遠離寂靜律儀無作無造棄捨防護不行不犯船筏橋梁堤塘牆塹於所制約不踰不踰性不越不越性無表身業是名無學正業云何無學正命答諸聖弟子於苦思惟苦於集思惟集於滅思惟滅於道思惟道無學作意相應簡擇力故於趣邪命身語惡行所得無學遠離勝遠離近遠離極遠離寂靜律儀無作無造棄捨防護不行不犯船筏橋梁堤塘牆塹於所制約不踰不踰性不越不越性無表正命云何無學正勤答諸聖弟子於苦思惟苦於集思惟集於滅思惟滅於道思惟道無學作意相應所有勤精進勇健勢猛熾盛難

制勵意不息是名無學正勤云何無學正念  
答諸聖弟子於苦思惟苦於集思惟集於滅  
思惟滅於道思惟道無學作意相應所有念  
隨念專念憶念不忘不失不遺不漏不失法  
性心明記性是名無學正念云何無學正定

標十

標十一

答諸聖弟子於苦思惟苦於集思惟集於滅

思惟滅於道思惟道無學作意相應所有心  
住等住近住安住不散不亂攝止等持心一  
境性是名無學正定云何無學正解脫答諸  
聖弟子於苦思惟苦於集思惟集於滅思惟  
滅於道思惟道無學作意相應所有心勝解  
已勝解當勝解是名無學正解脫云何無學  
正智答盡智無生智是名無學正智

爾時舍利子告苾芻衆言具壽當知佛於一  
法乃至十法現等覺已爲諸弟子宣說開示

我與大衆皆共和合親對世尊已結集竟諸  
苾芻衆皆應受持爲他演說廣令流布佛滅  
度後勿有乖違當令隨順梵行法律久住利  
樂無量有情哀愍世間諸天人衆令獲殊勝  
義利安樂

### 讚勸品第十二

爾時世尊知舍利子爲苾芻衆說法已訖從  
臥而起身心調暢整理衣服結跏趺坐讚舍  
利子善哉善哉汝今善能於此臺觀與苾芻  
衆和合結集如來所說增一法門汝可從今  
爲諸大衆數復宣說如是法門此法能令諸  
天人等長夜證會義利安樂世尊復告苾芻  
衆言汝等皆應受持讀誦舍利子說集異法  
門如是法門能引大善大義大法清白梵行  
復證通慧菩提涅槃淨信出家諸善男子受

持讀誦如是法門不久定當辦所辦事時薄  
伽梵說是語時諸苾芻衆歡喜踊躍頂禮佛  
足信受奉行

阿毗達磨集異門足論卷第二十

說一切有部

音釋

塗七藍切  
疣也 劍力制切

後十

十四